

ՀԱՇՎԵՏՎՈՒԹՅՈՒՆ

2025 ԹՎԱԿԱՆԻ ԸՆԹԱՑՔՈՒՄ ՀՀ ՎԱՅՈՑ ՁՈՐԻ ՄԱՐԶՊԵՏԻ ԱՇԽԱՏԱԿԱԶՄԻ

ԻՐԱՎԱԲԱՆԱԿԱՆ ԲԱԺՆԻ ԿԱՏԱՐԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

❖ ՀՀ Վայոց ձորի մարզպետի աշխատակազմի իրավաբանական բաժինը հաշվետու ժամանակահատվածի ընթացքում ապահովել է ՀՀ օրենսդրությամբ Մարզպետին և Գլխավոր քարտուղարին վերապահված լիազորությունների օրինականությունը, ուսումնասիրվել է մարզպետի աշխատակազմի կառուցվածքային ստորաբաժանումների կողմից կազմված՝ Մարզպետի և Գլխավոր քարտուղարի ընդունած իրավական ակտերի՝ որոշումների և հրամանների նախագծերի համապատասխանությունը ՀՀ օրենսդրությանը:

❖ Բաժնի կողմից ուսումնասիրվել է մարզի տեղական ինքնակառավարման մարմինների կողմից ընդունված իրավական ակտերի օրինականությունը և ծագած խնդիրների լուծման վերաբերյալ Մարզպետի համապատասխան գրություններ են ուղարկվել համայնքների ղեկավարներին:

❖ Նշված ժամանակահատվածում մարզի ավագանիների կողմից ընդունվել է 700 որոշում, որոնք հիմնականում վերաբերվել են համայնքների բյուջեների հաստատմանը, դրանց կատարման եռամսյակային հաղորդումներին, կատարված փոփոխություններին և հողվածային վերաբաշխումներին, համայնքապետարանի աշխատակազմի թվաքանակի, հաստիքացուցակի և դրույքաչափերի հաստատմանը, համայնքային սեփականություն հանդիսացող գույքի օտարմանը և օգտագործման տրամադրմանը, հողամասերի նպատակային նշանակության փոփոխությանը, համայնքի կամավոր խնդիրների լուծմանը և ներհամայնքային այլ խնդիրների: Հաշվետու ժամանակահատվածում մարզի համայնքների ղեկավարների կողմից ընդունվել է 1958 որոշում, որոնք հիմնականում վերաբերվել են համայնքային սեփականություն հանդիսացող գույքի օտարման կամ օգտագործման տրամադրմանը՝ հիմք ընդունելով համայնքի ավագանու համապատասխան որոշումները, հողերի կամ շինությունների գործառնական նշանակության փոփոխությանը, անշարժ գույն առանձին միավոր ճանաչելուն և դրանց հասցեավորմանը, համապատասխան կարգերի հաստատմանը, հանձնաժողովների ստեղծմանը և այլ հարցերի:

Անհամապատասխանությունների և թերությունների հայտնաբերման դեպքում որոշումները վերադարձվել են ուղղումների, դրանք սահմանված կարգով և ժամկետներում ուղղվել և վերադարձվել են մարզպետի աշխատակազմ:

❖ Ուսումնասիրվել են քաղաքացիների դիմումները, բողոքները և առաջարկությունները, ձեռնարկվել են համապատասխան միջոցներ և ներկայացվել են խնդիրների լուծման վերաբերյալ առաջարկություններ, տրվել է իրավաբանական խորհրդատվություն: Բարձրացված հարցերը հիմանականում վերաբերվել են անշարժ գույքի նկատմամբ սեփականության իրավունքի գրանցման հետ կապված, աշխատանքային փոխհարաբերությունների ընթացքում առաջացած վեճերի, հողային սահմանների ճշգրտման, սեփականության իրավունքի, գույքին պատճառված վնասի, ապահովագրության վերաբերյալ և բազմաբնույթ այլ խնդիրների: Դիմումներին պատասխանվել է ՀՀ օրենսդրության պահանջներից ելնելով, մի մասին տրվել է հարցերը լուծող սպառիչ պատասխան, իսկ մարզպետի աշխատակազմի իրավասության շրջանակից դուրս գտնվող հարցերի վերաբերյալ դիմումատուներին բացատրվել է գործող կարգը և ուղղորդվել են համապատասխան ոլորտներ:

❖ Իրականացվել է քաղաքացիների և պաշտոնատար անձանց ընդունելություն, տրամադրվել անհրաժեշտ իրավաբանական խորհրդատվություն և համապատասխան տեղեկատվություն՝ ինչպես քաղաքացիների, այնպես էլ մարզպետի աշխատակազմի ենթակայության կազմակերպությունների ղեկավարների, աշխատակիցների և համայնքապետարանների աշխատակազմերի աշխատակիցների: Համայնքապետարանների աշխատակազմերի քարտուղարներին ամենօրյա աշխատանքային կարգով տրամադրվել է խորհրդատվություն, մեթոդական ցուցումներ, իրականացվել է փոխհամագործակցություն:

❖ Ուսումնասիրվել են Բաժին մակագրված նամակները, գրությունները, հանձնարարականները և օրենքով սահմանված ժամկետում ապահովվել է դրանց լուծումը: Հաշվետու ժամանակահատվածում Բաժինը ստացել է 525 մտից, 5192 ներքին գրություն, պատասխանվել է 461 գրության և պատրաստվել է 79 ելից գրություն: Հանձնարարականներին պատասխանելու համար սահմանված ժամկետների խախտումներ չեն գրանցվել:

❖ Պատրաստվել են Բաժնի գործունեությանն առնչվող գրություններ, զեկուցագրեր, հաշվետվություններ, տեղեկատվություն, եզրակացություններ և ներկայացվել համապատասխան մարմիններին:

❖ Մշակվել և հաստատման են ներկայացվել հաշվետու տարվա ընթացքում կառավարման նոր կարգի անցած մարզպետի աշխատակազմի ենթակայության հանրակրթական ուսումնական հաստատությունների կանոնադրությունները:

❖ Մշակվել և ՀՀ կառավարության հաստատման են ներկայացվել «ՀՀ Վայոց ձորի մարզի Կարմրաշենի միջնակարգ դպրոց» պետական ոչ առևտրային կազմակերպությունը «ՀՀ Վայոց

ձորի մարզի Հերիերի միջնակարգ դպրոց» պետական ոչ առևտրային կազմակերպությանը միացման ձևով վերակազմակերպելու մասին» որոշման նախագիծը, որն ընդունվել է 2025 թվականի հոկտեմբերի 23-ին (թիվ 1475-Ա որոշում): Մշակվել է «ՀՀ Վայոց ձորի մարզի Վարդահովիտի հիմնական դպրոց», «ՀՀ Վայոց ձորի մարզի Հերմոնի հիմնական դպրոց», «ՀՀ Վայոց ձորի մարզի Գողթանիկի հիմնական դպրոց» և «ՀՀ Վայոց ձորի մարզի Եղեգիսի միջնակարգ դպրոց» պետական ոչ առևտրային կազմակերպությունները միաձուլման ձևով «ՀՀ Վայոց ձորի մարզի Եղեգիսի միջնակարգ դպրոց» պետական ոչ առևտրային կազմակերպության վերակազմակերպելու մասին» ՀՀ կառավարության որոշման նախագիծը:

❖ Ուսումնասիրվել են մակագրված իրավական ակտերի նախագծերը, որոշ դեպքերում ներկայացվել են առաջարկություններ՝ դրանցում ներառելու համար:

❖ Թիվ ՎԴ/11661/05/24, ՎԴ/4614/05/24 վարչական գործերով իրականացվել է մարզպետի աշխատակազմի շահերի պաշտպանությունը, նախաձեռնվել է մեկ վարչական և երեք կարգապահական վարույթ:

❖ Ամենամյա հաշվետվություն է ներկայացվել ՀՀ տարածքային կառավարման և ենթակառուցվածքների նախարարություն՝ մարզի համայնքների ավագանիների կողմից ընդունված որոշումների վերաբերյալ:

❖ Պատասխանվել են տարբեր պետական մարմինների, փաստաբանների, լրագրողների և այլ կազմակերպությունների կողմից ուղարկված գրություններին, հարցումներին:

ԻՐԱՎԱԲԱՆԱԿԱՆ ԲԱԺՆԻ ՊԵՏ

Ն. ՄԱՂԱՔՅԱՆ

13.01.2026թ.